

**DIO TREĆI - PRELAZNE I ZAVRŠNE ODREDBE****Član 22.****(Sredstva za ostvarivanje prava)**

Sredstva za realizaciju prava branilaca i članova njihovih porodica po ovoj Uredbi, osiguravaju se u Budžetu Kantona u skladu sa prilivom sredstava.

**Član 23.****(Evidencija i obrasci)**

Elektronsku evidenciju o podnesenim zahtjevima i korisnicima prava po ovoj Uredbi vode gradske/općinske službe i Ministarstvo, po posebnim obrascima koje propisuje ministar Ministarstva u roku od sedam dana od dana stupanja na snagu ove Uredbe.

**Član 24.****(Instrukcije i nadzor)**

- (1) U realizaciji ove Uredbe Ministar može donijeti odgovarajuće instrukcije.
- (2) Nadzor nad provođenjem ove Uredbe vrši Ministarstvo.

**Član 25.****(Ravnopravnost spolova)**

Sve imenice koje se odnose na braniocima i članove njihovih porodica, upotrijebljene u ovoj Uredbi samo u muškom ili samo u ženskom rodu, odnose se na oba spola.

**Član 26.****(Stavljanje Uredbe van snage)**

Danom početka primjene ove Uredbe prestaje važiti Uredba o pomoći u rješavanju stambenog pitanja branilaca i članova njihovih porodica ("Službene novine Zeničko-dobojskog kantona" broj 4/14, 1/18, 15/21 i 18/22).

**Član 27.****(Ranije započeti postupci)**

Svi slučajevi odnosno postupci koji do dana stupanja na snagu ove Uredbe nisu pravosnažno okončani, završit će se po odredbama propisa koji je bio na snazi u vrijeme podnošenja zahtjeva.

**Član 28.****(Prijelazne odredbe)**

Dijete šehida, poginulog, umrlog i nestalog branioca nakon prestanka prava na porodičnu invalidninu i dijete umrlog dobitnika ratnog priznanja ili odlikovanja, kojem je prestalo pravo na mjesečni novčani dodatak mogu ostvariti pravo na pomoć u rješavanju stambenog pitanja po zahtjevima podnesenim u toku 2025. godine za prava iz člana 6. stav (1) tačka b), d) i 5) ove Uredbe na osnovu ugovora i saglasnosti iz perioda 2022. godine do 2025. godine.

**Član 29.****(Stupanje na snagu i objavljivanje Uredbe)**

Ova Uredba stupa na snagu osmog dana od dana objavljivanja u "Službenim novinama Zeničko-dobojskog kantona", a primjenjuje se od 01.01.2025. godine.

Broj: 02-02-21445/24

Datum, 27.12.2024. godine

Zenica

**PREMIJER**

Nezir Pivić, s.r.

6.

Na osnovu člana 16. stav (1) Zakona o Vladi Zeničko-dobojskog kantona-Prečišćeni tekst ("Službene novine Zeničko-dobojskog kantona", broj 7/10 i 3/23) i člana 30. stav (2) Zakona o dopunskim pravima branilaca i članova njihovih porodica ("Službene novine Zeničko-dobojskog kantona" broj 15/24), na prijedlog Ministarstva za boračka pitanja, Vlada Zeničko-dobojskog kantona, na 63. sjednici, održanoj dana 27.12.2024. godine, d o n o s i

**U R E D B U****O NOVČANOJ EGZISTENCIJALNOJ NAKNADI  
ZA DEMOBILIZIRANE BRANIOCE I  
SUPRUŽNIKE UMRLIH DEMOBILIZIRANIH  
BRANILACA****DIO PRVI - OPĆE ODREDBE****Član 1.****(Predmet Uredbe)**

- (1) Ovom Uredbom ureduju se uslovi, način i postupak ostvarivanja prava na novčanu egzistencijalnu naknadu demobiliziranog branioca i supružnika umrlog demobiliziranog branioca.
- (2) Novčana egzistencijalna naknada u smislu ove Uredbe je mjesečna novčana naknada koju Ministarstvo za boračka pitanja Zeničko-dobojskog kantona (u daljnjem tekstu: Ministarstvo) na osnovu usvojenog programa utroška sredstava budžeta Kantona planiranih na razdjelu Ministarstva za tekuću budžetsku godinu, odobrava i isplaćuje demobiliziranom braniocu i supružniku umrlog demobiliziranog branioca koji nema navršениh 57 godina života, a u svrhu poboljšanja njegovog materijalnog položaja, odnosno socijalno-ekonomske situacije u kojoj se nalazi.

**Član 2.  
(Uslovi)**

- (1) Pravo na dodjelu novčane egzistencijalne naknade po ovoj Uredbi može ostvariti demobilizirani branilac i supružnik umrlog demobiliziranog branioca koji:
  - a) nema navršenu dob od 57 godina života;
  - b) ima prebivalište na području Zeničko-dobojskog kantona (u daljem tekstu: Kanton) u trajanju od najmanje dvije godine neprekidno do dana podnošenja zahtjeva;
  - c) je u periodu od 06.04.1992. do 23.12.1995. godine u sastavu Oružanih snaga proveo najmanje 12 mjeseci;
  - d) je kao nezaposleno lice na evidenciji nadležne službe za zapošljavanje u periodu od najmanje 12 mjeseci prije podnošenja zahtjeva za ostvarivanje prava, ili ima utvrđenu nesposobnost za rad i privređivanje, ili je korisnik penzije u iznosu od 50% minimalne penzije isplaćene u Federaciji Bosne i Hercegovine za mjesec decembar prethodne godine i
  - e) ostvaruje mjesečne prihode koji ne prelaze iznos od 50% minimalne penzije isplaćene u Federaciji Bosne i Hercegovine za mjesec decembar prethodne godine.
- (2) Prihodom u smislu odredbe stava (1) tačka e) ovog člana ne smatraju se novčane naknade po osnovu prava lica sa invaliditetom, dodatak na djecu, alimentacije i jednokratne pomoći.
- (3) Odredba stava (1) tačka e) ovog člana ne primjenjuje se u slučaju ukoliko supružnik demobiliziranog branioca takođe ima status demobiliziranog branioca iz stava (1) tačka c) ovog člana.
- (4) Pravo na novčanu egzistencijalnu naknadu ima i demobilizirani branilac koji ima status ratnog vojnog invalida.

**Član 3.  
(Dokazivanje statusa)**

U postupku ostvarivanja prava na novčanu egzistencijalnu naknadu, status demobiliziranog branioca se dokazuje uvjerenjem o periodu učešća u Oružanim snagama izdatim od strane nadležnog federalnog organa za pitanja evidencija iz oblasti vojne obaveze (uvjerenje VFMB-3a).

**Član 4.  
(Visina naknade)**

- (1) Iznos novčane egzistencijalne naknade utvrđuje se množenjem osnovice u iznosu od 7 KM po mjesecu provedenom u Oružanim snagama i koeficijenta za obračun utvrđenog instrukcijom koju donosi Ministarstvo.
- (2) Koeficijent za obračun se utvrđuje mjesečno, u zavisnosti od broja korisnika i opredjeljenih budžetskih sredstava Ministarstva za ovu svrhu.
- (3) U slučaju da period koji je lice iz člana 2. stav (1) tačka c) ove Uredbe provelo u Oružanim snagama pored broja mjeseci sadrži i više od 10 dana ratnog staža, onda se i taj period računa kao puni mjesec (npr. 12 mjeseci i 11 dana= 13 mjeseci), ukoliko demobilizirani branilac ispunjava uvjet iz člana 2. stav (1) tačka c) ove Uredbe.
- (4) Demobiliziranom braniocu koji ima status ratnog vojnog invalida iznos novčane egzistencijalne naknade utvrđuje se množenjem osnovice iz stava (1) ovog člana sa 24 mjeseca, ako je u Oružanim snagama imao učešće kraće od 24 mjeseca.

**DIO DRUGI - OSTVARIVANJE PRAVA****Član 5.  
(Podnošenje zahtjeva)**

- (1) Zahtjev za ostvarivanje prava na novčanu egzistencijalnu naknadu (u daljnjem tekstu: zahtjev) demobilizirani branilac i supružnik umrlog demobiliziranog branioca podnosi gradskoj/općinskoj službi nadležnoj za poslove branilačko-invalidske zaštite u gradu/općini u kojoj podnosilac zahtjeva ima prebivalište, odnosno u kojoj ostvaruje prava iz branilačko-invalidske zaštite ili u kojoj se nalazi na evidenciji nadležnog organa za vojne poslove (u daljnjem tekstu: gradska/općinska služba).
- (2) Ukoliko su oba supružnika korisnici prava na novčanu egzistencijalnu naknadu, u slučaju smrti jednog od njih, drugi supružnik može ostvarivati pravo samo po jednom osnovu po vlastitom izboru.

**Član 6.  
(Obrazac zahtjeva)**

Zahtjev se podnosi na posebnom obrascu kojeg propisuje ministar Ministarstva, u roku od sedam dana od dana stupanja na snagu ove Uredbe.

**Član 7.****(Potrebna dokumentacija)**

Uz zahtjev lice iz člana 2. stav (1) ove Uredbe prilaže slijedeću dokumentaciju u originalu ili ovjerenoj kopiji:

- a) uvjerenje o kretanju (kao dokaz o prebivalištu);
- b) uvjerenje VFMB-3a za demobiliziranog branioca/ umrlog demobiliziranog branioca;
- c) rješenje nadležne gradske/općinske službe o priznavanju svojstva ratnog vojnog invalida;
- d) uvjerenje nadležne službe za zapošljavanje da se nalazi na evidenciji nezaposlenih osoba najmanje 12 mjeseci prije podnošenja zahtjeva i da ne prima novčanu naknadu za vrijeme nezaposlenosti ili rješenje nadležnog organa o utvrđenoj nesposobnosti za rad i privređivanje, ili rješenje o penziji (domaćoj i inostranoj);
- e) uvjerenje o bračnom stanju ukoliko je podnosilac zahtjeva supružnik umrlog demobiliziranog branioca;
- f) uvjerenje iz porezne uprave da podnosilac zahtjeva ne obavlja samostalnu djelatnost vlastitim radom i da nema drugih prihoda na osnovu izdavanja u zakup poslovnih ili stambenih prostora i sl. i
- g) potvrda banke sa brojem tekućeg računa podnosioca zahtjeva ili kopija tekućeg računa podnosioca zahtjeva.

**Član 8.****(Rješavanje o pravu)**

- (1) Gradska/općinska služba donosi rješenje kojim odobrava ili odbija zahtjev za priznavanjem prava na novčanu egzistencijalnu naknadu i isto dostavlja podnosiocu zahtjeva.
- (2) Pravo na novčanu egzistencijalnu naknadu pripada od prvog dana narednog mjeseca od dana podnošenja zahtjeva.
- (3) Gradska/općinska služba je dužna u roku od tri dana po pravomoćnosti rješenja kojim se odobrava zahtjev podnosioca, isto u četiri primjerka i zajedno sa kompletnim spisom predmeta dostaviti Ministarstvu radi provođenja postupka revizije.
- (4) Rješenje kojim se zahtjev podnosioca odbija i rješenje protiv kojeg je izjavljena žalba, ne podliježu reviziji.

**Član 9.****(Revizioni postupak)**

- (1) U postupku revizije, Ministarstvo može dati saglasnost na prvostepeno rješenje ukoliko ocijeni da je isto zakonito i pravilno doneseno, ili ga može izmijeniti, poništiti i vratiti na ponovno rješavanje prvostepenom organu ili samo drugačije riješiti upravnu stvar, ukoliko ocijeni da rješenje sadrži formalno-pravne nedostatke.
- (2) Revizija odlaže izvršenje rješenja.
- (3) Protiv rješenja o poništavanju i vraćanju na ponovni postupak ne može se pokrenuti upravni spor.

**Član 10.****(Žalbeni postupak)**

- (1) Po žalbi izjavljenoj na prvostepeno rješenje rješava Ministarstvo.
- (2) Žalba na prvostepeno rješenje podnosi se gradskoj/općinskoj službi u roku od osam dana od dana prijema rješenja.
- (3) Rješenje na koje je izjavljena žalba, sa kompletnim spisom predmeta, gradska/općinska služba dostavlja Ministarstvu u roku od tri dana.
- (4) Ukoliko u postupku po žalbi Ministarstvo odluči u meritumu o konkretnoj upravnoj stvari, smatra se da je tim rješenjem proveden postupak revizije.
- (5) Žalba odlaže izvršenje rješenja.
- (6) Protiv rješenja donesenog po žalbi može se pokrenuti upravni spor.

**Član 11.****(Način isplate)**

- (1) Način i postupak isplate odobrenih sredstava novčane egzistencijalne naknade utvrđuje se instrukcijom iz člana 4. stav (1) ove Uredbe.
- (2) Period utvrđen članom 2. stav (1) tačka c) i članom 4. stav (3) i (4) ove Uredbe uzima se u obzir kod obračuna mjeseci učešća u Oružanim snagama korisnika ovog prava.

**Član 12.****(Kontinuitet isplate)**

- (1) Gradska/općinska služba je dužna dva puta godišnje i to do 30.06. i 31.12. tekuće godine po službenoj dužnosti ažurirati dokumentaciju korisnika iz člana člana 7. tačke a), d), e) i f) ove Uredbe, a u svrhu nastavka isplate naknade u kontinuitetu.
- (2) U slučaju kada gradska/općinska služba utvrdi da nisu ispunjeni uslovi za dalje ostvarivanje prava na novčanu egzistencijalnu naknadu dužna je donijeti rješenje o prestanku prava kojim će utvrditi i eventualnu obavezu povrata neosnovano isplaćenih naknada.

**Član 13.****(Prestanak prava)**

- (1) Pravo na novčanu egzistencijalnu naknadu korisniku prava prestaje:
  - a) usljed smrtnog slučaja;
  - b) na lični zahtjev;
  - c) ispunjenjem dobi od 57 godina života;
  - d) zasnivanjem radnog odnosa;
  - e) promjenom prebivališta (izvan Kantona);
  - f) ostvarivanjem prava na penziju u iznosu većem od 50% minimalne penzije isplaćene u Federaciji Bosne i Hercegovine za mjesec decembar prethodne godine;
  - g) ostvarivanjem ukupnih prihoda u iznosu većem od 50% minimalne penzije isplaćene u Federaciji Bosne i Hercegovine za mjesec decembar prethodne godine
  - h) brisanjem sa evidencije nezaposlenih lica;
  - i) zasnivanjem bračne ili vanbračne zajednice (za supružnike umrlih demobiliziranih branilaca).
- (2) Korisnik prava, odnosno član zajedničkog domaćinstva umrlog korisnika prava, dužan je u roku od 15 dana od dana nastanka promjene prijaviti prvostepenom organu svaku promjenu koja utiče na prestanak prava.
- (3) Pravo na novčanu egzistencijalnu naknadu ne može se prenijeti na drugo lice.
- (4) Prvostepeni organ će po službenoj dužnosti, na osnovu dostavljene prijave ili saznanja na drugi način o osnovu za prestanak prava, donijeti rješenje o prestanku prava i isto dostaviti korisniku prava, odnosno članu zajedničkog domaćinstva.

(5) Prvostepeni organ je dužan u rješenju o prestanku prava na novčanu egzistencijalnu naknadu utvrditi i eventualnu obavezu povrata sredstava iz člana 14. ove Uredbe.

(6) Rješenje o prestanku prava ne podliježe reviziji.

(7) Za mjesec u kojem je nastupio osnov za prestanak prava, bit će izvršen obračun i isplata novčane egzistencijalne naknade.

**Član 14.****(Povrat sredstava)**

- (1) Korisnik kome je isplaćena naknada po ovoj Uredbi na koju nije imao pravo, dužan je vratiti primljeni iznos, odnosno isti doznačiti na račun budžeta Kantona.
- (2) U slučaju da korisnik ne postupi u skladu sa stavom (1) ovog člana, gradska/općinska služba je dužna po pravosnažnosti rješenja kojim je utvrđen povrat neosnovano isplaćenih naknada isto dostaviti Ministarstvu sa kompletnim spisom predmeta korisnika, a radi provođenja izvršnog postupka.
- (3) Za nepravilne isplate koje su nastale kao greška organa koji je vodio postupak, nepravilno isplaćena sredstva nadoknadit će organ koji je učinio grešku i odgovarajući iznos doznačiti na račun budžeta Kantona.

**Član 15.****(Troškovi postupka)**

- (1) Troškove postupka u vezi sa ostvarivanjem prava u skladu sa ovom Uredom snosi organ koji vodi postupak.
- (2) U postupku za ostvarivanje prava po ovoj Uredbi ne plaća se taksa.
- (3) Na novčana primanja prema Uredbi ne plaćaju se porezi i doprinosi.

**Član 16.****(Osiguravanje sredstava za provođenje Uredbe)**

- (1) Sredstva za novčanu egzistencijalnu naknadu se osiguravaju u budžetu Kantona, na budžetskoj stavci Ministarstva.
- (2) Ministarstvo vodi evidenciju o izvršenim isplatama i o tome godišnje izvještava Vladu Kantona.

**Član 17.****(Evidencija)**

- (1) Elektronsku evidenciju o korisnicima prava po ovoj Uredbi vode gradska/općinska služba u ISVDV sistemu.

- (2) Elektronsku evidenciju o revizionim postupcima vodi Ministarstvo, po posebnom obrascu koji propisuje ministar Ministarstva u roku od sedam dana od dana stupanja na snagu ove Uredbe.

## DIO TREĆI - PRIJELAZNE I ZAVRŠNE ODREDBE

### Član 18.

#### (Primjena odredbi Zakona o upravnom postupku)

U postupku za ostvarivanje prava po ovoj Uredbi primjenjuju se odredbe Zakona o upravnom postupku ("Službene novine Federacije Bosne i Hercegovine" broj 2/98, 48/99 i 61/22), ukoliko Uredbom ili propisom donesenim na osnovu Uredbe nije drugačije propisano.

### Član 19.

#### (Instrukcije i nadzor)

- (1) U realizaciji ove Uredbe Ministar može donijeti odgovarajuće instrukcije.
- (2) Nadzor nad provođenjem ove Uredbe i propisa donesenih na osnovu nje vrši Ministarstvo.

### Član 20.

#### (Ravnopravnost spolova)

Sve imenice koje se odnose na demobilizirane branioce upotrebljene u ovoj Uredbi samo u muškom ili samo u ženskom rodu, odnose se na oba spola.

### Član 21.

#### (Stavljanje Uredbe van snage)

Danom početka primjene ove Uredbe prestaje važiti Uredba o novčanoj egzistencijalnoj naknadi za demobilizirane branioce ("Službene novine Zeničko-dobojskog kantona" broj: 6/20, 15/21, 18/22 i 3/24).

### Član 22.

#### (Stupanje na snagu Uredbe)

Ova Uredba stupa na snagu osmog dana od dana objavljivanja u "Službenim novinama Zeničko-dobojskog kantona", a primjenjuje se od 01.01.2025. godine.

Broj: 02-02-21446/24  
Datum, 27.12.2024. godine  
Zenica

**P R E M I J E R**

**Nezir Pivić, s.r.**

7.

Na osnovu člana 16. stav (1) Zakona o Vladi Zeničko-dobojskog kantona- Prečišćeni tekst ("Službene novine Zeničko-dobojskog kantona", broj 7/10 i 3/23) i člana 25. Zakona o dopunskim pravima branilaca i članova njihovih porodica ("Službene novine Zeničko-dobojskog kantona" broj 15/24), na prijedlog Ministarstva za boračka pitanja, Vlada Zeničko-dobojskog kantona, na 63. sjednici, održanoj dana 27.12.2024. godine, d o n o s i

## U R E D B U O PREDNOSTI U ŠKOLOVANJU DJECE BRANILACA

### DIO PRVI - OPĆE ODREDBE

#### Član 1.

##### (Predmet Uredbe)

Ovom Uredbom utvrđuju se uslovi, način i postupak ostvarivanja prava na prednost u redovnom školovanju branilaca i članova njihovih porodica koji imaju prebivalište na području Zeničko-dobojskog kantona (u daljnjem tekstu: Kanton), kao i povratnika u entitet Republiku Srpsku koji ostvaruju osnovna prava iz branilačko-invalidske zaštite u gradovima/općinama Kantona i koji su na evidenciji nadležnog organa za vojne evidencije u gradovima/općinama Kantona.

#### Član 2.

##### (Prava)

Prednost u školovanju branilaca i članova njihovih porodica, u skladu sa ovom Uredbom, obuhvata sljedeća prava:

- prednost pri upisu u obrazovne ustanove i smještaju u đački i studentski dom;
- besplatan upis u novu školsku/studijsku godinu i
- pomoć za nabavku školskih udžbenika i pribora.

#### Član 3.

##### (Korisnici prava)

Korisnici prava po ovoj Uredbi su djeca:

- dobitnika ratnog priznanja i odlikovanja;
- ratnog vojnog invalida;
- demobiliziranog branioca koji je u periodu od 06.04.1992. do 23.12.1995.godine u sastavu Oružanih snaga proveo najmanje 24 mjeseca odnosno 12 mjeseci, ukoliko je u OS pristupio kao maloljetno lice ili šest mjeseci po punoljetstvu;